

« 22 » օգոստոսի 2018թ.

N 2-32/12

1. Վարչական իրավախախտման վերաբերյալ գործի նկարագրությունը, վարչական ակտն ընդունելու համար հիմք հանդիսացող փաստերը:

Երևան քաղաքի Աջափնյակ վարչական շրջանի ղեկավարի աշխատակազմի աշխատակից Ս. Գևորգյանի կողմից 06.06.2018 թվականին ձեռնարկվել է Հայաստանի Հանրապետության Վարչական իրավախախտումների վերաբերյալ արենսզրքի (այսուհետ՝ Օրենսգիրք) 154-րդ հոդվածի 1-ին մասով նախատեսված վարչական իրավախախտում, մասնավորապես՝ քաղաքացի Անահիտ Գրիշայի Հարությունյանի կողմից սեփականության իրավունքով իրեն պատկանող Հ. Մարգարյան փողոցի հ. 10/17 հասցեում ինքնակամ իրականացվել է գոյություն ունեցող կրպակի վերակառուցման շինարարական աշխատանքներ, մասնավորապես՝ քարե շարվածքով պատի կառուցման, ապակյա ցուցափեղկի տեղադրման, ինչպես նաև տանիքի ծածկի բարձրացման շինարարական աշխատանքներ, որի վերաբերյալ 06.06.2018 թվականին կազմվել է վարչական իրավախախտման վերաբերյալ թիվ 028246 արձանագրությունը (այսուհետ՝ արձանագրություն):

Որպես իրավախախտման փաստը հաստատող ապացույց, իրավախախտման հայտնաբերման պահին լուսանկարվել է իրավախախտման վայրը:

Հայտնաբերված իրավախախտման փաստով Երևանի քաղաքապետարանի նախաձեռնությամբ հարուցվել է վարչական վարույթ:

Վարչական իրավախախտման գործով հարուցված վարչական վարույթի շրջանակներում գործի փաստական հանգամանքների քննարկմանը քաղաքացի Անահիտ Գրիշայի Հարությունյանի մասնակցությունը ապահովելու նպատակով Երևանի քաղաքապետարանի կողմից միջոցներ են ձեռնարկվել քաղաքացի Անահիտ Հարությունյանին Երևանի քաղաքապետարանում կայանալիք նիստերի վերաբերյալ ծանուցելու համար, սակայն ծանուցագրերը չեն հանձնվել վերջինիս չհայտնաբերելու պատճառով:

Հաշվի առնելով, որ Հայաստանի Հանրապետության վարչական իրավախախտումների վերաբերյալ օրենսգրքի դրույթներով չեն կանոնակարգվում վարչական՝ այդ թվում նաև վարչական իրավախախտման վերաբերյալ վարույթների կասեցման դեպքերը, հիմքերն ու կարգը և ղեկավարվելով «Իրավական ակտերի մասին» ՀՀ օրենքի 5-րդ հոդվածի 6-րդ մասի 2-րդ կետով, 71-րդ հոդվածի 1-ին մասի 5-րդ կետով, 76-րդ հոդվածի 2-րդ մասով, «Վարչարարության հիմունքների և վարչական վարույթի մասին» ՀՀ օրենքի 49-րդ հոդվածի 1-ին մասի «գ» կետով 01.08.2018 թվականի հ. Վ-29/14 որոշմամբ քաղաքացի Անահիտ Գրիշայի Հարությունյանի նկատմամբ 06.06.2018 թվականին կազմված հ. 028246 արձանագրության հիման վրա հարուցված վարչական վարույթը կասեցվել է մինչև վերջինիս ի հայտ բերելը:

Վարչական իրավախախտման գործով հարուցված վարչական վարույթի շրջանակներում գործի փաստական հանգամանքների քննարկմանը քաղաքացի Անահիտ Գրիշայի Հարությունյանի մասնակցությունը ապահովելու նպատակով Երևանի քաղաքապետարանի կողմից կրկին միջոցներ են ձեռնարկվել քաղաքացի Անահիտ Գրիշայի Հարությունյանին Երևանի քաղաքապետարանում 22.08.2018 թվականին կայանալիք նիստին ծանուցելու համար:

ՀՀ ոստիկանության Երևան քաղաքի վարչության Մաշտոցի բաժնի Դավթաշենի բաժանմունքի պետի 22.08.2018 թվականի հ.34/1-1586ա գրության համաձայն ծանուցագիրը հանձնվել է Անահիտ Գրիշայի Հարությունյանին, հետևաբար վերացվել է վերը նշված վարչական վարույթի կասեցման հիմքերը:

Քաղաքացի Անահիտ Գրիշայի Հարությունյանը ծանուցված լինելով 22.08.2018 թվականին կայանալիք գործի քննության տեղի և ժամանակի մասին չներկայացավ, ուստի Վարչական իրավախախտումների վերաբերյալ օրենսգրքի (այսուհետ՝ Օրենսգիրք) 267-րդ հոդվածի 1-ին մասի համաձայն գործը քննվեց վերջինիս բացակայությամբ:

Գործի քննության ընթացքում ուսումնասիրվեցին արձանագրությունը, անշարժ գույքի նկատմամբ իրավունքի պետական գրանցման վկայականի պատճենը, Երևանի քաղաքապետարանի աշխատակազմի քաղաքաշինության և հողի վերահսկողության վարչության պետի 19.06.2018 թվականի հ.19/41858հ, 17.07.2018 թվականի հ. 19/13359հ գրությունները, Երևան քաղաքի Աջափնյակ վարչական շրջանի ղեկավարի 31.07.2018 թվականի հ. 28/54299, 21.08.2018 թվականի հ. 28/58772 գրությունները, ՀՀ ոստիկանության Երևան քաղաքի վարչության Մաշտոցի բաժնի Դավթաշենի բաժանմունքի պետի 22.08.2018 թվականի հ.34/1-1586ա գրությունը և իրավախախտման լուսանկարները:

Գործի փաստական հանգամանքների և դրանում առկա բոլոր ապացույցների բազմակողմանի, լրիվ և օբյեկտիվ հետազոտման արդյունքում հիմնավորվեց, որ քաղաքացի Անահիտ Գրիշայի Հարությունյանի կողմից սեփականության իրավունքով իրեն պատկանող Հ. Մարգարյան փողոցի հ. 10/17 հասցեում ինքնակամ իրականացվել է գոյություն ունեցող կրպակի վերակառուցման՝ քարե շարվածքով պատի

կառուցման, ապակյա ցուցափեղկի տեղադրման, ինչպես նաև տանիքի ծածկի բարձրացման շինարարական աշխատանքներ, որով թույլ է տվել Օրենսգրքի 154-րդ հոդվածի 1-ին մասով նախատեսված վարչական իրավախախտում:

2. Վարչական ակտ ընդունելու հիմնավորումը.

Օրենսգրքի 9-րդ հոդվածի համաձայն՝ Վարչական իրավախախտում (զանցանք) է համարվում պետական կամ հասարակական կարգի, սոցիալիստական սեփականության, քաղաքացիների իրավունքների և ազատությունների, կառավարման սահմանված կարգի դեմ ոտնձգվող հակաիրավական, մեղավոր (դիտավորյալ կամ անզգույշ) այնպիսի գործողությունը կամ անգործությունը, որի համար օրենսդրությամբ նախատեսված է վարչական պատասխանատվություն:

Սույն օրենսգրքով նախատեսված իրավախախտումների համար վարչական պատասխանատվություն առաջանում է, եթե այդ խախտումները իրենց բնույթով քրեական պատասխանատվություն չեն առաջացնում գործող օրենսդրությամբ համապատասխան:

Օրենսգրքի 154-րդ հոդվածի 1-ին մասի համաձայն՝ սեփականության կամ հողօգտագործման իրավունք ունեցող անձանց կողմից այդ հողամասի վրա շենքեր և շինություններ ինքնակամ կառուցելը, ինչպես նաև բազմաբնակարան շենքերում կամ շենքերին կից ինքնակամ կառույցներ կատարելը առաջացնում է տուգանքի նշանակում՝ սահմանված նվազագույն աշխատավարձի երկու հարյուրապատիկի չափով:

Համաձայն «Վարչարարության հիմունքների և վարչական վարույթի մասին» ՀՀ օրենքի (այսուհետ՝ Օրենք) 1-ին հոդվածի՝ սույն օրենքը սահմանում է վարչարարության հիմունքները, կարգավորում է վարչական ակտեր ընդունելու, վարչական ակտերը, վարչական մարմինների գործողությունները և անգործությունը բողոքարկելու, վարչական ակտի կատարման, վարչական ծախսերի, ինչպես նաև վարչարարությամբ հասցված վնասի հատուցման հետ կապված՝ վարչական մարմինների և ֆիզիկական կամ իրավաբանական անձանց (այսուհետ՝ անձինք) միջև ծագած հարաբերությունները:

Համաձայն Օրենքի 49-րդ հոդվածի 1-ին մասի «գ» կետի՝ վարչական մարմինը պարտավոր է կասեցնել վարչական վարույթը, եթե վարչական ակտի ընդունումը հնարավոր է միայն այդ ակտի հասցեատիրոջն ի հայտ բերելու դեպքում:

Համաձայն Օրենքի 49-րդ հոդվածի 3-րդ մասի՝ սույն հոդվածի 1-ին մասի «բ» և «գ» կետերով, ինչպես նաև 2-րդ մասով նախատեսված դեպքերում վարչական վարույթը վերսկսվում է դրա կասեցման հիմք դարձած հանգամանքները վերանայուց հետո, բայց ոչ ուշ, քան կասեցման մասին որոշում ընդունելու օրվանից հետո 60 օրը լրանալը:

Ելնելով վերոգրյալից և ղեկավարվելով Օրենսգրքի 23-րդ հոդվածի 2-րդ կետով, 154-րդ հոդվածի 1-ին մասով, Օրենքի 49-րդ հոդվածի 1-ին մասի «գ» կետով, 3-րդ մասով, 219.1-րդ, 281-րդ և 282-րդ հոդվածներով, Երևանի քաղաքապետի 23.08.2013 թվականի թիվ 4180-Ա որոշմամբ (փոփոխ. 01.08.2017 թվականի թիվ 2645-Ա)

ՈՐՈՇԵՑԻ

1. Քաղաքացի Անահիտ Գրիշայի Հարությունյանի նկատմամբ 01.08.2018 թվականի հ. Վ-29/14 որոշմամբ կասեցվեց վարչական վարույթը վերսկսել:

2. Քաղաքացի Անահիտ Գրիշայի Հարությունյանին Օրենսգրքի 154-րդ հոդվածի 1-ին մասով ենթարկել վարչական պատասխանատվության՝ նշանակելով վարչական տույժ 200.000 (երկու հարյուր հազար) ՀՀ դրամի չափով:

3. Օրենսգրքի 305-րդ հոդվածի համաձայն տուգանքը պետք է վճարվի սույն որոշումը իրավախախտում կատարած անձի կողմից ստանալուց ոչ ուշ, քան տասնհինգ օրվա ընթացքում՝ կենտրոնական գանձապետարանի N 90005531.3366 հաշվին:

4. Սույն որոշումը կարող է բողոքարկվել Հայաստանի Հանրապետության օրենսդրությամբ սահմանված կարգով:

ԵՐԵՎԱՆԻ ԲԱՂԱՔԱՊԵՏԱՐԱՆԻ
ԱՇԽԱՏԱԿԱԶՄԻ ՎԱՐՉԱԿԱՆ
ԻՐԱՎԱՌԱՏՈՒՄՆԵՐԻ ՎԵՐԱԲԵՐՅԱԼ
ԳՈՐԾԵՐԻ ՔՆՆՈՒԹՅԱՆ ԲԱԺԻ ՊԵՏ՝



ԱՆՆԱԿՈՒՄ Կ ՄԱՐՏԻՐՈՍՅԱՆ